

位西先生遺稿
張文節公遺集
有聲畫



卷之四

上

卷之五

卷

下

卷

卷



19929

位
西
先
生
遺
稿

邵銘
撰

中
華
書
局

12929

叢書集成初編

位西先生遺稿（及其他二種）

中華書局出版發行

（北京王府井大街三十六號）

秦皇島市資料印刷廠印刷

一九八五年北京新一版

開本：七八七乘一〇九二毫米三十二分之一

統一書號：二七〇一八·一五一

位西先生遺稿

此據滂喜齋叢書
本排印初編各叢
書僅有此本

道光三十年三月。位西先生由先大父文恭公疏薦。文宗顯皇帝特旨召對。駁駁將大用矣。時先生爲軍機章京。陝甘總督某以枉殺番案被逮。詔軍機大臣與刑部會鞠。丈與諸章京及諸司同任其事。有陰爲某地者。多舉細故詰問。某抗辨自若。先生至。出懷中問目詰之。某瞠不能答。同列瞞眙不知所爲。由是側目者多矣。粵事起。遣重臣視師。先生爲十不可之議。請上之。格不行。師果無功。自是不見容。至河工。旋被劾去。杭城陷。死之。先生死事顛末。國史自有傳。其軼事恐世不具知。遺集刻成。因書其末。吳縣潘祖蔭識。

位西先生遺稿

清 仁和邵懿辰撰

偕伯言過廠肆買書有作

莊生貧如涸轍鱗豈有羣書供爛祭。翻新不肯襲糟魄。屬書離辭何詭麗。古者私家無竹帛。閭塾相傳但經藝。後來著作日紛紛。棗木行將塞四裔。傳摹甚易得不難。翻使聰明受撻蔽。當年制字煩鬼哭。更欲燒書起秦帝。就中古冊不可無。一二善英擢蕉翳。連鑣不厭百回看。洛陽市肆歡遊詣。先生皮架盈古香。十萬驂臨簡精銳。此皆下駟不足貪。識寶波斯偶留憩。叨同雅好耽緗素。愧與市人生校計。得虞重費囊底差。失每牽懷夢中嚙。先生一笑子歸休。臥想陶陶結繩世。

送戴少司馬南歸二首

五更浙浙隴江雨。青山入夢神先舞。一身乞得一家驚。忽把衣冠掛神武。妻孥童僕何足計。獨遶庭階心口語。諸公自是廊廟人。老子歸作湖山主。山廬澤鷺野心性。強著金璫無太苦。居然漫叟返邱園。尙惜朝衫帶塵土。白蘋黃葉滿江風。飽飯船窗聽鳴榔。不恤人呼老畫師。身入畫中誰畫取。滄波淼淼一扁舟。臥看秋漁收晚罟。公勿自疑應自許。此事今稀良近古。青鯨跋浪入重溟。下視萬魚空啣吻。金貂玉蟬非性分。曾不羞慚謂天與。以同自證死不閒。謬竊光榮眩兒女。如公一占蜚遞交。愛網百重斯以斧。豐狐文豹脫災皮。建德遨遊孰能阻。旁觀尙覺腰帶適。四體乍如生翬羽。任呼狂客似知章。免作尙書等懷祖。眼看

筐篋事紛紛。滅沒飛鴻下平楚。

寓齋

獨樹穿藤格。深蕪翳竹根。客來書滿坐。雪後月當門。市近心偏遠。樓高室易昏。不須還潤色。樸處似山村。

徐氏女南歸

在目似不隔。翻愁夢見空。團圞此家裏。索莫汝途中。下倚新傭僕。偏寒欲雪風。船窗俯霜水。逐照北來鴻。

偶憶五首

城牆如腰鼓。江彎似折之。人家抱山住。小雨濕樓遲。峯斷市橋合。竹開津步欹。不論紅在樹。綠暗也相宜。墓檜經雷劈。祠蓮照水開。容光能倒塔。有鶴不孤梅。隄月穿橋過。僧船掛席回。香車迎畫舫。門入湧金來。濤勢通胥母。溪流近若耶。春盤雪裏蕪。雷鼓雨前茶。二月連三月。桃花間菜花。半山山下水。綠浸野人家。直上山顛路。仍如市裏行。樓臺重木末。鐙火滿春聲。金地遊人湊。寶蓮泉水清。感花何所感。詩壁駁苔生。香市喧三月。雲巖冷半房。石泉分井味。山閣得湖光。古寺傳鐘慢。比鄰驟藥忙。不知松鼠穴。舍後樹多長。

和文信國公琴

萬里商聲白鴈來。鳳山鍾處變寒灰。朱厓惡浪君絃絕。碧血陰房正氣摧。市上龍章看戾日。海邊鼉憤蹴奔雷。當年一曲漸漸麥。蕉雨松風百倍哀。

吳門郭季虎以十月十七日壽放翁於今四年矣朗亭徵詩

放翁豪放人間無。紫皇案前餐碧腴。八十五年詩萬首。天風吹瀟灑清都。不願腰間玉鹿盧。九環寶帶青珊瑚。但願彌戈橫鐵馬。銜枚雪夜超飛狐。成都名花十萬株。眉州玻璃春百壺。醉上凌雲手招月。金骨綠髓僊之臚。百年一瞬幽蘭墟。麗川亭下芳華徂。中原半壁皆不壽。但留團扇家家圖。我欲持杯酌太虛。朱樓白塔歸來乎。不見荒寒京水道。青驪踏雪靖南湖。

從朗亭乞冬筍索賦

吳兒食筍如食肉。四時環生無絕續。春雷出土夏雨肥。秋飈行鞭白於玉。未若冬生味奇雋。竹本虛心偏實腹。淺雪離邊鵲嘴攜。黃泥裂處貓頭伏。重重苞脫錦縫嬰。皦皦尖翹繭角犢。我住都門向十載。時時夢到箕簞谷。瘦萌苦蘢不入餐。影拂窗紗僅名竹。誰歟絨榻致燕市。價識倍三苦難鬻。不禁忍俊聊乞取。肯自佳廚分旨蓄。和糝從添黃韭新。淪羹恰佐紅蚶熟。喧呼醺飲七峯廬。不畏平陽近連屋。手撻索我作僧詩。恣嚙酣眠諾已宿。似聞飽食大官羊。欲遣園蔬歸掌錄。相公食筍自名齋。玉板禪參蘇玉局。果令仙籙化渭川。容叩公門再三潰。但恐琅玕咒不成。仍望南天齋急足。不如同日解青衫。去看家山萬竿綠。

寄姚石甫先生三十韻

歸來兩鬢絲。一劍撥年衰。作客因交厚。封侯信數奇。東槎泛龍伯。西驛抵烏斯。漲海昔多警。樓船能出奇。一丸憑島峙。四戰固藩籬。直擬莛茅賞。翻遭薏苡疑。孟舒就鉗鉞。吳起泣漣洏。已分窮邊棄。仍邀特達知。豐碑沉峴首。皂蓋下峨眉。雲閣方虛伫。轅門不詭隨。心陵長史貴。論戒釋之卑。虎落埋奴蓄。鷄爲捧檄馳。

崎嶇荒微外。潦倒暮年時。五餌朝方用。三明世不思。幡然還白下。渾欲老鳩茲。入幕材非屈。迎門籬早持。蘭陵三祭酒。卽墨一神師。餘緒分籌筆。旁觀看奕棋。河漕調衆帥。瘞札輯遺黎。要使扶元氣。非專濟度支。理財劉晏策。論事馬周辭。上客談風月。羣賢接履綦。都官同乞罷。故里適相期。白首成雙美。黃花對一卮。新篇閒共和。舊事邈猶追。哀想竹林詠。愴吟梁木詩。山川攬龍虎。翰墨引蛟螭。海氣連溟渤。江流導蜀夔。人生如夢耳。憂患飽更之。學道一無事。茫茫餘酒悲。

寄方植之先生

面見知何日。心親亦有年。淮南高隱地。薊北早寒天。忽枉書尺至。如陪函丈筵。說經老不厭。逃遁富千篇。馬鄭原通學。雷同乃俗流。浮雲有時盡。白日照千秋。寄語幼誦子。勿徒名象求。殷勤掃榛蕪。茲意豈悠悠。爲儒宿有名。傲骨況崢嶸。卻說多衰病。應難作遠行。丹厓來馬舄。白髮禮熊生。可使衡門下。蘭枯桂獨榮。

寄合肥徐懿甫

高人徐仲車。質行向詩書。豪傑交三楚。文章辨一魚。季心知劇孟。楊意荐相如。早晚北隨計。歌吟辭舊廬。至日入直

前湖晚眺

周正尊三統。陽生又一年。紅舒中禁日。青曩大壇煙。雞樹含春意。貂衣卸午天。無風知有雪。消息到梅邊。落日山後光。斷霞紅在底。湖開天宇空。雲凝風固止。何來萬蜻蜓。整整交戲水。下有魚吹泡。圓漏散復起。

隄東樹色冥。天光漸西委。負手憺忘歸。遊神高空裏。

題汪楓人遺墨

當年玉樹竝高名。各有清才噪鳳城。一自西風吹斷鴈。蕭蕭喬木動秋聲。
絳紗帷裏聞詩教。白玉樓邊索替人。想得賢兄收錦字。金龜聽雨獨傷神。

楊性農孫琴西入翰林各以詩賀

神魚啖鉤情。不能赴瀾漫。鳳羣見鸞鸞。寶所摧琅玕。君從田間來。喜彈頭上冠。文林要識職。諫紙且旁看。
羣公何天衢。奮欲殿檻攀。朋來一陽復。邪許五雲端。麻冕百川納。賢路亨無艱。君適應時須。惇惇激忠肝。
獻曝太早計。行不貴苟難。藏身諱弓矢。養氣銳鎔干。一語尤服君。慎勿家於官。刺刺顧婢子。茅艾化荃蘭。
春虛采蘋宮。載途涕洟瀾。涼秋急歸窆。衣錦誰與歡。東閣觀奇士。北軼休盤桓。還來共臣朔。索米向長安。

又

文思繼明照。策士天網頓。招要我輩人。談詠共鼈飯。魯徐號文雄。戰藝力敵萬。溫生老魁壘。餘子悉騰健。
如何但雙鳥。舉翮皇路獻。不能盡豪英。一二足程勸。楊君出荆璞。流血矜久困。君固愜衆期。教習名早建。
嗚呼島王子。侍立花繡褹。傳詩滿東瀛。搖毫珠玑噴。有弟方乘軺。桂海滋蘭畹。金昆復館職。如珏照塵盆。
嗟時不說學。紫清跡頗願。揆擢振凡庸。趨走守古鈍。上惟君子使。下無朋友怨。勉率樹英聲。勿爲麒麟楮。

次韻芝房見柬

年來騎省髯彫疏。寂寂閒花笑獨居。春夢莊周迷蛺蝶。秋風張翰憶鱸魚。煙波北渚愁懷裏。塵土東華散
直初。解向長安吟落葉。聊衝赤尹緩歸驢。

次韻芝房偕性農見訪

獵獵西風吹葛巾。行吟誰識鳳池身。鏡窗促坐成新詠。月地聯遊得故人。斷酒年來呼惡客。讀書夜分
旁鄰。懷中磊落刊修筆。不屑蟲魚注李巡。

過黃子壽適涼書畫滿壁賦呈賢尊考功

古人之心不可尋。颯然秋風一室深。還留古人精爽在。鸞飄鳳泊紛來臨。君家丈人愛書畫。料間不使蟲
埃侵。中庭暴畏風日損。懸之素壁高堂陰。海王村中走僕僕。君從而後遊書林。各投所好望門入。此時父
子忽異心。米老蒐奇有古癖。王充入市惟書淫。歸來堆疊滿篋几。論價不惜酬兼金。俸錢到手便傾付。清
茶展對喜溢襟。君之蓄書求有字。紙板不辨古與今。未若丈人精品目。縑素甲乙排森森。朱絲鐵石不遺
恩。九原喚起欣知音。夜闌直恐虹貫月。四邊金薤垂琅琳。臥游倘欲衆山響。中坐一鼓龍脣琴。

喜聞少鶴病已

君在窮途慶更生。丈夫未死要崢嶸。膝擊市上還談相。足斷車中尙用兵。況復走同黃憤健。何須歸踐白
鷗盟。便應西向長安道。春水江船盡室行。

翰臣書來道粵西土賊甚劇

嶺外何時換祝良。探丸赤白太披猖。賊如原燎嗟難撲。官似池魚恐見殃。決瘡潰癰如緩緩。帶牛佩犢轉穰穰。安溪故事君宜勉。一展龍矚掃陸梁。

孫芝房蒼筤谷圖

君胡繫思蒼筤谷。君今身寄金馬門。得時雷動不遑息。九華殿上重蒙恩。五溪歸來納使節。殺青掌錄勞朝昏。湖南接天暗篁竹。萬古草綠滿湘翻。君非其時歸豈得。中谷漫指桃花源。青鞋黃帽野人具。白雲翠篠山凹村。君曰童時所游釣。側耳清夜聞啼猿。出山幾何神弗王。有如澤雉投籠樊。昨者西風動衫袖。夢到茅屋蒼厓根。長鑱淩虛馴僊藥。短紙曲折開秋原。玉堂不見郭熙畫。時復對此蘇心魂。

中秋夜有懷言翁

常月月有圓。舉俗愛此日。兒童未夕譁。清光盼東溢。家家羅酒飯。合坐同親暱。羣喧默懷思。所思古之逸。相從過陋巷。十載會真率。商馮具宜稱。可意書滿室。論文向鐙窗。一笑萬慮失。經年別未久。秋戶又鳴蟬。江都著書地。側想富文筆。佳節誰與歡。步月爲誰出。蠡歲留詩約。遊蹤果合一。料得桃花庵。不眠對吳質。

答董思陶

鬱抱閒愁不自寬。獨攜詩卷別長安。空陳曼倩三千牘。莫累宜僚十二丸。白雪歌成聽愈寡。黃金費盡說仍難。大江東出縱陽渡。何處磯頭着釣竿。

答戴存莊

君住桐鄉最北鄉。偶來書劍謁天閭。飄飄詞賦名原大。落落交游意轉長。顰逐狗屠飲燕市。終期龍臥起南陽。歌豐自得湖陰樂。我獨離憂仰屋梁。

宣宗成皇帝挽詩四章

數徹堯年水。頻瞻禹貌鰲。憂民天有淚。柔遠虜還啼。遺詔悲黃紙。深宮想弋絺。昆池連御宿。目斷草萋萋。大度包無外。卑梁隙早忘。息人關欲閉。屈己牘偏長。扼腕思頗牧。秋毫懼孔桑。焦勞貽帝坐。十載話淒涼。玉几傳眞治。金甌付太平。彌留仍被冕。備豫早書橙。水鏡君心勗。郊官禮意精。非徒揚末命。萬世慮先成。鳳紀周纔半。龍輶去不回。千官直杖位。萬國紙錢灰。勝水還悲慕。空山自往來。松風驅石馬。泣對羨門開。碧雲寺

臥佛寺

連峯浩奔駛。登高見如環。佛寺初不見。窈窕藏隈澗。入門忽金碧。百尺飛孱顏。穹梁跨陰壑。涌殿開中巒。螺旋上塢頂。俯視心骨寒。吾徒樂一眺。始作財力殫。想當伐石時。萬杵殷千山。淨盧屈雄鷲。化人豈求安。崇基有陟毀。成虧諒不難。惟有太古水。盤洄出人間。近山泉石佳。臥佛益峻清。古佛倦對客。高枕流水聲。方池窈深黑。墜瀑鏘然鳴。草樹掩壁色。繞林虛風生。宴坐入水氣。下有飛泉行。山空聞遠樵。微響激雷輦。長廊穿洞達。午貫何縱橫。庭前娑羅樹。柯葉交青瑩。上無凡禽棲。下無惡草萌。徑欲餌其實。使我煩煩平。

香山五絕句

六年西園住。始闕西山路。驅車指白雲。忽到雲深處。
路出甕山背。緣路青山長。溪旁多浣女。水流松花香。
林開秋原曠。時時肆飲飛。尙想先朝事。彌樓蟲翠微。
引泉過俗廬。石龍口吐水。水流出山去。活活聲在耳。
樓觀隱茸茸。霜林一半紅。離宮三十六。深鎖夕陽中。

潘季玉養閒堂

人生識字始憂患。躑躅吞聲行路難。蝴蝶夢中身栩栩。芙蓉鏡裏面團團。
鼠肝忽解大弢遊物表。兩間何處不清安。短長世或憐鳬脰。得喪吾何戀。
螟蛉果羸亦能豪。莫向比鄰歎不遭。任遣瘦羊呼博士。久將肥馬謝兒曹。
肯高羸得蕭閒堂裏坐。笑看人海莽勞勞。階前流水令心遠。戶外秋山與

孫琴西海客受經圖

天將六籍潤蠻荒。照海雲霞一葦杭。萬國冠裳陪胃子。三山職貢恪今王。
自將傳讀君家赤城賦。迴看旭彩滿博桑。同文象譯心能領。修藝珍肥手

題邊袖石詩本

寒鐙坐窗把卷疑。疑君直作古人詩。白雲在天月在手。超遙千里龍駒馳。十年客旅燕南垂。醉墨灑壁鴻淋漓。憂時涕淚飲入腹。茫茫春色登樓悲。只今身到蓬山上。猶似饑驅滔水時。神仙中人不易爲。玉山無禾鳳長饑。燕領終須飛食肉。莫羨紛紛昨暮兒。

彭餓夫墓

人生百年甘蔗渣。鐘鼓饌玉風中花。條侯主父要同盡。首陽清風生蕨芽。暨依故人共脫粟。伯夷所樹天所祿。仁者之粟不可常。我獨何爲害口腹。嘯臺激嘯高雲天。神遊清都飽紫烟。行人空挾一車飯。下馬孤墳二百年。

仙跡

仙跡爪沙處處留。子公招入帝城遊。怪迂欲擬文成將。囊裏多緣武定侯。堪笑馬醫原淺術。居然牛腹有奸謀。漢庭刀筆何曾重。只畏雕鷹在廩秋。

草野

草野常懷夢日心。拂衣歸去轉沉吟。掃門魏勃來何事。伏闕哀章去莫尋。一角神羊原突兀。九關猛虎失陰森。他年青史論功狀。不信登天有翰音。

贈前制府周敬修先生

堂上磔人如磔鼠。穎川大姓栗在股。威名萬里郅都鷹。拱手對賓色恂恂。盡尸潔惡作屠伯。不侮孤惇稱

衆父令淵徙鱸江渡虎。墨吏望風自引去。只今行年七十六。白髯飄蕭瞳正綠。召來金殿伏青蒲。愛國有懷傾不足。上書慷慨策平邊。一心推服林公賢。天其福我厭此虜。不見瑞麥在野雷。誅妖嗚呼安得公。友林公守圻甸。方州得人士選練。折衝六合有精神。坐困鱸鮓可無戰。

次韻吳清如留別二首

不聽寒山寺裏鐘。陸沈金馬十年慵。曾吟蜀棧王貽上。還唱吳飲梁伯龍。七子詩才餘綺麗。一尊話別覺從容。紫微坐惜君房去。山色何如歸意濃。江南草色綠絲絲。白首來歸意恍然。載筆含香猶昨夢。看花縱酒憶當年。秋風嫋嫋思何極。暮雨瀟瀟曲可憐。曾是執珪吟未已。輸君先上五湖船。

吳補之學士與清如同日乞假仍次前韻志別

不分清霜應九鍾。掛冠同日託衰慵。已聞溝唱東西水。莫化雲追上下龍。季子由來能讓爵。長公本自不求容。匡廬瀑布靈巖柱。一樣秋光到眼濃。九疑幽恨遠聯綿。大樹風飄亦偶然。紫極況逢明日日。緋衫未到乞骸年。思田賦就知難住。相和歌成倍可憐。不使貪泉留夢寐。一江明月兩歸船。